



सा:गु भिंगु मरिचरिया नितिं लुमंका दिसै !

लक्ष्मण जमाल /चिलिमि'
प्रोप्राइटर

लाखा छै
LAKHA CHHEN

सोहखुटे, वडा नं. १६, यै, फोन नं.: ४५६०७५८

यै मनपाया मेयरं पदया दुरुपयोग यासै लाथेपाथे खर्च महानगरपालिकाया प्रशासन अस्तव्यस्त

● **लहना संवाददाता**
यै महानगरपालिकाया मेयर बालेन साहं जनताया करयात दुरुपयोग यानाच्चंगु दु। मेयर साहं यै महानगरपालिकायाया ज्याकु दुगु काठमाडौं प्लाजाय थःगु नितिं जक बिस्कं लिफ्ट जडान यानातःगु दु। सूत्रया कथं मेयर साहया फिडर प्रिन्ट जक चले जुइगु कथं लिफ्टय सफ्ट वेयर तयातःगु दु। गुकिया कारण उगु लिफ्ट सुनं वनेत स्वल धा:सा वने फइगु अवस्था मदुगु खँ धा:गु दु।



उकथं हे मेयर साहया कार्यकक्ष नं दैयदसं हे मर्मत यायेगु नामय लाखौं तक ध्यबा खर्च यानाच्चंगु दु। उकथं हे थीथी थासय सिसी क्यामेरा तयेगु नामय नं करोडौं तक खर्च यानाच्चंगु खँ सूत्रं धा:गु दु। सूत्रया कथं काठमाडौं प्लाजाया फुककं धयागु थासय अडियो सहित सिसी क्यामेरा तयातःगु दु। अज्या:गु सिसी क्यामेराया फुटेज स्वयेगुया लिसे उकिया अडियो तर्क मेयर साहं न्यने फइगु कथं व्यवस्था यानातःगु दु। मेयर साहं थःगु कार्यकालय १ हजार १ सय सिसी क्यामेरा जडान यायेगु आज्जु तयातःगु दु। उकिया नितिं जक ४० करोड तका खर्च जुइगु खँ यै महानगरपालिका सूत्रं

धा:गु दु। उकिया नितिं दैयदसं १० करोडया बजेटया व्यवस्था यानाच्चंगु दु।

उकथं हे मेयर साहं थःगु प्रचार प्रसार याकेगु नितिं जक १ करोड तक खर्च याना: 'क्यानाडा नेपाल' नांया अनलाइगु युट्युब च्यानल न्या:गु दु। उगु च्यानल मेयर साहंया चर्चा यायेगु ज्या

यानाच्चंगु दु। उगु च्यानल मेयर साहं गन वन। छु न्ववात धइगु फुककं धयाथें गतिविधि कभर याना: युट्युबलय तयेगु यानाच्चंगु दु।

यै महानगरपालिकाया थःगु हे एफएम दयेक दयेक थुकथं अनलाइन युट्युब न्यायेगु नं छगू कथंया भ्रष्टाचार जगू खँ स्वयम् अनया

हे कर्मचारीतयसं धायेगु यानाच्चंगु दु। नेपाल सरकार नेपाल टिभी व गोरखापत्रयात हे आधिकारिक मान्यता बियातःगु दु। तर यै महानगरपालिकां हाम्रो काठमाडौं, मेट्रो न्युजयात धा:सा विश्वास यानाच्चंगु मदु। यै महानगरया कर्मचारीतय कथं मेयर साहं या:गु ज्याया प्रचार यायेगु ख:सा

यै महानगरपालिकाया स्वामित्वय दुगु सञ्चार माध्यम छ्यले मा:गु ख:। तर थ:गु स्वामित्वय दुगु सञ्चार माध्यम थ:गु गुणगान म्हो याइगु जगुलिं मेयर साहं अनलाइन युट्युब ध्यबा बिया: यक:ति प्रचार याकाच्चंगु ख:।

थ्वहे इवलय यै महानगरपालिकाया प्रशासनिक ज्या भद्रगोल जुयाच्चंगु खँ सीदुगु दु। मेयर साहं प्रमुख प्रशासकीय अधिकृत सरोज गुरागाईयात निलम्बन या:गु ख:। वयां लिपा प्रमुख प्रशासकीय अधिकृतया जिम्मेवारी यै महानगरपालिकाया शिक्षा विभाग प्रमुख गोविन्द शर्मायात बिउगु ख:। तर कार्यवाहक प्रमुख प्रशासकीय अधिकृत जुयाच्चंगु शर्मा आकाभाकां राजीनामा बीव आ: कार्यवाहक सुयात वीगु धइगु अन्यौल जुयाच्चंगु दु।

मेखे मेयर साहं छुं न्हि न्हयवीनसैं यै महानगरपालिकाया सम्पर्कय मदुगु खँ सीदुगु दु। शर्मा छुं न्हि न्हय: जक कार्यवाहक प्रशासकीय अधिकृत जगू ख:सा वयक:या अवकाश जुइगु ई भिन्थाला ल्यै दिन। थ:गु कार्यकाल ल्यै दयेका: राजीनामा बीगु कारण थीथी कथंया आशंका यानाह:गु दु।

त्यं७ पेजय

स्वनिग:या गुर्योजना दय्केत कार्यशाला



लहना वा:पो / स्वनिग:या दीर्घकालीन विकासया निति नीति दयेकेत व वृहत्तर भौतिक विकासया गुर्योजना दयेकेगु विषययात कया: कार्यशाला गोष्ठि जगू दु।

काठमाडौं उपत्यका विकास प्राधिकरणया खसालय उगु वंगु आइतवा: उगु गोष्ठि जगू ख:।

भूमि व्यवस्था, सहकारी तथा गरिबी निवारण मन्त्री बलराम अधिकारी गोष्ठिया उलेज्या यासैं स्वनिग:या गुर्योजना याकन हे कार्यान्वयनय हयेमा:गु खँय ब:

बियादीगु दु।

गुर्योजना फक्क याकन कार्यान्वयनय यंकेमा:गु खँय ब: बिसैं मन्त्री अधिकारी स्थानीय तहया ब्वति मदयेक योजना सफल जुइमखुगु खँ धयादिल।

खप नगरपालिकाया प्रमुख सुनिल प्रजापति स्वनिग:या वातावरण तसकं बांमलाक स्यना वनाच्चंगु खँ धासैं अव्यवस्थित व लाक्वपाक्व ढंगं निजी ख्य:यात जग्गा प्लानिङया स्वीकृति बिउगुलिं

त्यं७ पेजय



Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
4335491, barts4335491@hotmail.com

- Banner, Flex Board
- Glow Sign Board
- Sticker Cutting / Printing
- Screen/ Rubber Print
- Self-ink/ Rubber Stamp
- PVC(ID)/ Visiting Card
- & all kinds of press works



नेवाः राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुककं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् फिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



राष्ट्रपति, उपराष्ट्रपति राजनीतिइ सक्रिय जुइगु गलत

नेपालय् राष्ट्रपति व उपराष्ट्रपति जुइधुंकूगुपिं हाकनं सक्रिय राजनीतिइ वयेत स्वयाच्चंगु खँयात कयाः विवाद जुयाच्चंगु दु। गणतन्त्र स्थापना जुइधुकाः राष्ट्रपति जुयादीम्ह एमालेया पुलांम्ह नेता विद्यादेवी भण्डारी व उपराष्ट्रपति जुइधुंकूम्ह नन्दबहादुर पुन हाकनं राजनीतिइ सक्रिय जुइगु कथं थःगु गतिविधि न्ह्याकाच्चंगु दु। गुक्रियात कयाः सम्बन्धित राजनीतिक पार्टी दथुइ जक मखु पिने नं विरोध जुयाच्चंगु दु। छगू सम्मानित पदय् च्वनेधुंकाः उक्रिया गरिमा ल्येकेमाः धासैं अज्याःपिसं हाकनं राजनीतिइ सक्रिय जुइगु पाय्छि मखु धकाः धायेगु यानाच्चंगु दु। विद्यादेवी भण्डारी एमाले राजनीतिक यायेत सक्रिय जुयाच्चंगु जक मखु अफ्र फ्यांफछि एमालेया अध्यक्ष हे जुइगु कथं थःगु गतिविधि यानाच्चंगु दु।

मेखे नेकपा माओवादी केन्द्रपाखे न्हय्दँ तक उपराष्ट्रपति जुयादीम्ह नन्दबहादुर पुन हाकनं माओवादी केन्द्रय् सक्रिय राजनीतिइ वयेगु नितिं न्हयःने वःगु दु। छगू इलय् माओवादी सेनाया कमाण्डर तकं जुयादीम्ह वय्कः सेना समायोजना लिपा राजनीति न्ह्यानादीगु खः। तर वयां लिपा वय्कःयात माओवादीं उपराष्ट्रपति दयेकूगु खः। उपराष्ट्रपति लिपा पार्टीया सक्रिय राजनीतिं ब्यागलं च्वनादीम्ह वय्कः आः वयाः हाकनं राजनीतिइ न्हयःने वःगुलिं स्वयम् माओवादी दुने हे विरोध जुयाच्चंगु दु।

राष्ट्रपति उपराष्ट्रपति धइगु सम्माननीय पद खः। उक्रिया बिस्कं गरिमा दु। अथेजुयाः हे गणतन्त्र नेपाःया न्हापा राष्ट्रपति डा. रामवरण यादव व उपराष्ट्रपति परमानन्द भण्डारी थःपिनिगु कार्यकाल क्वचायेधुंकाः सक्रिय राजनीति यानामदी। वय्कःपिसं थःगु पदीय गरिमा थूगु कारणं यानाः हे थुकथं सक्रिय राजनीतिइ मवःगु खः धकाः धायेमाः। मखु धइगु खःसा पुलांम्ह राष्ट्रपति डा. रामवरण यादव ताः इलानिसें नेपाली कांग्रेसपाखे राजनीति याना वयाच्चंगुम्ह खः। वय्कःया जीवन हे छगू कथं राजनीतिइ बिते जूगु धकाः धायेमाः। तर राष्ट्रपति जुइधुंकाः वय्कलं हाकनं राजनीतिइ वयेगु इच्छा क्यनामदी। थ्व धइगु छगू कथं थःगु पदया गरिमा कायम यायेगुलिं वय्कलं राजनीति त्याग याःगु धकाः थुइकेमाः।

अथे ला नेपालय् राष्ट्रपति व उपराष्ट्रपति जक मखु प्रधानमन्त्रीया कार्यकाल नं क्वःछीमाःगु माग जुयाच्चंगु दु। छम्ह हे प्रधानमन्त्री न्याक्वः तक प्रधानमन्त्री जुइगु तर देशं छुं नं कथंया हिउपाःया महसुस याये मफयाच्चंगु इलय् न्याक्वः तक प्रधानमन्त्री जुइगु धइगु गलत ज्या खः। छगू कार्यकालय् देशय् छुं हे याये मफयाः असफल जुइधुंकूम्ह व्यक्ति न्याक्वः तक प्रधानमन्त्री जुइगु धइगु हे गलती खः। अथेजुयाः आः छम्ह प्रधानमन्त्री खक्वः तक प्रधानमन्त्री जुइगु धइगु सीमा क्वःछीमाः। नेपाःया आपालं धयाथें प्रधानमन्त्री निक्वः स्वयां अप्वः प्रधानमन्त्री जुइधुंकल। तर थुमिगु पाखे देशं आशा याःथें हिउपाः वःगु महसुस यायेमखं। अथेजुयाः आः छगू पदय् च्वनेधुंकाः उक्रिया गरिमा कायम यायेगु खःसां नं देय्या प्रमुख पदय् निक्वलं अप्वः च्वने मदइगु व्यवस्था यायेमाःगु आवश्यकता थौं जुयाच्चंगु दु। मखु धइगु खःसा छम्ह हे व्यक्ति तःक्वः प्रधानमन्त्री जुइगु तर देशं छुं हे काये मफइगु अवस्थाय् अन्त्य जुइमाःगु आवश्यकता थौं जुयाच्चंगु दु।

नेपाःया पत्रकारिताय् सुचुकूगु ‘सत्य’ – २



लक्की चौधरी

निगुलिं तदर्थ समिति

वि.सं. २००८ वैशाख ९ गते व २००९ वैशाख २८ गतेया भेलां श्रेष्ठयात संघया सभापति ल्यःगु खः। वय्कःया हे सभापतित्वय् कार्य समिति नीस्वंगु खः। तर निगुलिं कार्यसमिति संघयात दर्ता याय्मफुत। वि.सं. २०१२ चैत १६ गतेया भेलां भद्राईया नेतृत्वय् कार्यसमिति नीस्वंगु खः। तर उगु कार्यसमिति नं संघयात दर्ता मयात। पत्रकार दथुइ मनमुटाव उगु इलय् नं दुगु खः। वि.सं. २०१३ चैत १७ गतेया पत्रकार भेलां भद्राई सहित वय्कःया कार्यसमितिइ दुपिं मणिराज उपाध्याय, फतेबहादुर सिंह, उदयराज शास्त्रीयात संघया साधारण सदस्य तकं जुइ मदइ कथं पितिना पत्रकार गोपालदास श्रेष्ठयात संघया सभापति ल्यःगु खः।

वि.सं. २०१३ चैत २९ गते च्वंगु मेगु भेलां गोपालदास श्रेष्ठयात संघं पितिनाः दाताराम शर्माया सभापतित्वय् मेगु कार्यसमिति दय् कल। भद्राई नेतृत्वया कार्यसमितिं दछि जक ज्या याय् खंगु खः। दाताराम शर्माया कार्यसमितिं पत्रकार दथुइया मनमुटावयात यासैं २०१८ भाद्र १० गते भेला याःगु खः। उगु भेलायात मेलमिलापया मंकाः मुना नां बिउगु खः। उगु हे भेलां फतेबहादुर सिंहया सभापतित्वय् न्हूगु कार्यसमिति ल्यःगु खः। उगु समितिया सचिवय् मणिराज उपाध्याय, कोषाध्यक्षय् उमाकान्त दास, दुजलय् गोपालदास श्रेष्ठ, मणिन्द्रराज श्रेष्ठ, श्याम प्रसाद व इन्द्रकान्त च्वनादीगु खः। उगु कार्यसमिति संघ संस्था रजिष्ट्रेशन ऐन २०१९ अन्तर्गत संघ दर्ताया नितिं २०१९ वैशाख २७ सं आवेदन बिबाः ३१ गते स्वीकृति काःगु खः। थुगु तथ्य कथं सिंहया कार्यसमिति संघयात वैधानिकता बिउगु खनेदु।

वैधानिकता काःगुयात आधार दय्केगु खःसा सिंहयात संस्थापक माने यानाः महासंघया अविच्छिन्नता २०१८ कायम याय्माःगु जुइ। तदर्थ समितियात माने याय्गु खःसा २००८ या हे समितियात संस्थापक माने यानाः अविच्छिन्नता कायम याय् माः। दथुइया (२०१२ यात) तदर्थ समितियात महासंघया अविच्छिन्नता माने याय्गु गुगु आधार खनेमदु। महासंघया नेतृत्वकर्ता थुकी ध्यान बीमाः।

तथ्यं छु धाइ ?

नेपाल पत्रकार महासंघया थःगु हे प्रकाशनं वि.सं. २००८ सालया संघ नीस्वंगु तथ्ययात स्वीकार

याना वयाच्चंगु दु। नेपाल पत्रकार महासंघया स्मारिका ‘पत्रकारिता’ (२०७२ मंसिर) अंकया पृष्ठ ४ सं डा. महेन्द्र विष्टया च्वसुइ २००८ सालय् हे नेपाल पत्रकार संघ नीस्वंगु इलय् उक्रिया उद्देश्यय् श्रमजीवी पत्रकारया हकहित याय्गु धकाः तयातःगु दु। सत्यनारायण बहादुर श्रेष्ठ अध्यक्ष दुगु संघया प्रतिनिधि मण्डलं थ्वहे विषयसं गृह मन्त्रालय वनाः सरकारयात क्वातुक्वाःगु धकाः न्ह्यथनातःगु दु।

महासंघया ख्वाःपौ ‘पत्रकारिता’ (२०७३ वैशाख २१) या अंकया पृष्ठ ४ सं चमि डा. महेन्द्र विष्ट वि.सं. २००८ सालय् हे नेपाल पत्रकार संघ नीस्वंगु इलय् उक्रिया उद्देश्यय् श्रमजीवी पत्रकारया हकहित याय्गु धकाः तयातःगु खः। सत्यनारायण बहादुर श्रेष्ठ अध्यक्ष दुगु संघया प्रतिनिधि मण्डलं थ्वहे विषयसं गृह मन्त्रालय वनाः सरकारयात क्वातुक्वाःगु खः। तर दुर्भाग्य उगु संघ थः हे इतिहासय् तनावन, न्ह्यथनातःगु दु।

महासंघया ख्वाःपौ ‘नेपाली पत्रकारिता चुनौती र उपलब्धि २०७४’ स्मारिकाया पृष्ठ ८३ सं पत्रकार लक्की चौधरी च्वयादीगु ‘पत्रकार संघदेखि महासंघसम्म’ शीर्षकया च्वसुइ नेपालय् दकलय् न्हापां वि.सं. २००८ सालय् नेपाल पत्रकार संघ नांया पत्रकारया छगू संगठन थापना जुल। थुगु संघया सभापति श्री सत्यनारायण बहादुर श्रेष्ठ व सेक्रेटरी भोजबहादुर सिंह न्यौपाने जुयादी, धकाः न्ह्यथनातःगु दु।


महासंघया प्रतिष्ठान प्रदेश समिति २०८० सं पिथंगु ‘अग्र अनुहार’ नांया सफूया पृष्ठ २६ सं २००८ सालय् सत्यनारायण श्रेष्ठ नं पत्रकार संघया थापना याःगु खः। तर श्रेष्ठ नेतृत्वया उगु संस्थां निरन्तरता काय् मफ्याः दथुइ बन्द जुइधुंकाः भद्राई नेतृत्वय् नीस्वंगु नेपाल पत्रकार संघ हे निरन्तर उत्तराधिकार संगठनया रूपय् क्रियाशील जुयाच्चंगु खः, धकाः न्ह्यथनातःगु दु।

महासंघया ख्वाःपौ ‘पत्रकारिता’ स्मारिका २०७४ भदौ अंकया पृष्ठ ४९ सं पत्रकार लक्की चौधरी च्वःगु च्वसुइ ‘आचरण सुधार्ने आचारसंहिता’ शीर्षकया च्वसुइ च्वयातःगु दु, “वि.सं. २००८ सालय् सत्यनारायण बहादुर श्रेष्ठया संयोजकत्वय् तत्कालीन नेपाल पत्रकार संघ नीस्वंगु खः।”

चमि विनोद ढुंगेल कान्तिपुर हिंफौय २०७२ साउन १० गते अंकय् च्वयादीगु च्वसुइ वि.सं. २००८ सालय् पत्रकार संगठित जुयाः नेपाल पत्रकार संघ नीस्वंगु खँ न्ह्यथनातःगु दु। चमि शिव रेग्मी व पी. खरेलया ‘नेपालमा आमसञ्चारको विकास’ सफूया पृष्ठ १०१ सं नेपालय् वि.सं. २००८ सालय् पत्रकारया हकहितया नितिं दकलय् न्हापां नेपाल पत्रकार संघया थापना जूगु खः, धकाः न्ह्यथनातःगु दु।

चमि महेन्द्र विष्ट ‘चौतारी’ स्मारिका २०७३ या पृष्ठ १०१ सं वि.सं. २००८ सालय् हे नेपाल पत्रकार संघ नीस्वंगु व उक्रिया अध्यक्ष सत्यनारायण बहादुर श्रेष्ठ जूगु न्ह्यथनातःगु दु। चमि भानुभक्त आचार्यया सफू

‘आमसञ्चार र पत्रकारिता अध्ययन’ या पृष्ठ ६१४ सं सत्यनारायण बहादुर श्रेष्ठया सभापतित्वय् २००८ सालय् नेपाल पत्रकार संघया थापना जूगु खँ न्ह्यथनातःगु दु।



चमि रेवतीरमण सुवेदीया सफू ‘शैक्षिक जागरणया विभूति पुरुष सत्यनारायण बहादुर’ या पृष्ठ १११ सं वि.सं. २००८ सालय् सत्यनारायण बहादुर श्रेष्ठया सभापतित्वय् नेपाल पत्रकार संघ थापना जूगु विषय न्ह्यथनातःगु दु।

नेपालको छापाखाना र पत्रपत्रिकाको इतिहास’ सफूया चमि श्रीभबहादुर देवकोटाया सफूतिइ नेपाल पत्रकार संघया न्हापांगु कार्यसमिति वि.सं. २००८ वैशाख ९ गते मुनाः नीस्वंगु न्ह्यथनातःगु दु। नेपाल आदिबासी जनजाति पत्रकार महासंघ (फोनिज) पाखे २०८० सालय् पिथंगु ‘फोनिज स्मारिका’ य् चमि राजेश राई ‘इतिहास माथिको जालसाजी’ शीर्षकया च्वसुइ च्वयादीगु दु, “इतिहास स्पष्ट दु, वि.सं. २००८ साल जेठय् नेपाल पत्रकार संघ नांया पत्रकारया संगठन थापना जुल। संघया सभापति सत्यनारायण बहादुर श्रेष्ठ व सेक्रेटरी भोजबहादुर सिंह न्यौपाने ल्यल।” थ्व फुककं तथ्य फुकस्यां तत्कालीन संघया थापना श्रेष्ठ थःगु नेतृत्वय् याःगु स्पष्ट जुइ।

निष्कर्ष

इतिहास धइगु वंगु ईया घटनाया क्रमबद्ध वर्णन वा वृत्तान्त खः। वंगु ईया अनुसन्धान व छानबिनय् आधारित अध्ययन, तत्सम्बन्धी ग्रन्थ खः, धाइ। यदि अथे खःसा नेपाल पत्रकार महासंघया इतिहास नं वहे कथं जुइमाः। सत्ययात किचलय् लाकेगु कुतः यायेगु हे असत्यया लैगु खः। सुर्धःयात ल्हातं फने फइमखु धायेथें सत्ययात नं गलत तर्क क्वत्यले फइमखु। महासंघ थःगु ७३ दँया इतिहासयात म्हो यानाः ६९ दँय् कय्कुंकेगु हे गलत खः। महासंघया नेतृत्वय् दुपिं नेतृत्वगणं सत्य व तथ्ययात मनन यानाः महासंघया इतिहास व अविच्छिन्नता कायम यायेत तत्काल खःगु पलाः छीमाः। गलत तथ्ययात कुबियाः जुइगु खःसा महासंघया इतिहास थुकथं लिपा तक विवादित जुयाच्चनी। इलय् मभिंकेगु खःसा नेपाःया पत्रकारिताय् छगू ‘सत्य’ न्ह्याबले किचलय् लाइ।

(चमि चौधरी गोरखापत्र अनलाइन डट कमया निमित्त सम्पादक व फोनिज संघीय समितिया वरिष्ठ उपाध्यक्ष जुयादी।)

क्वचाल





इवाः जूगु छफ्त्वः स्वां



सुनिता महर्जन

मुना थौं उलिम्यं थुलिम्यं मदयूक लयलय् तायाच्चन। वयागु ख्वाः थौं पुन्हिया तिमिला थें चकनाच्चन। व उखें थुखें न्याकुं काकां न्यासि वनाच्चन। थौं वयात अमेरिका वनेगु लागि डिभि लाःगु दिं। छैय् मांबौया ला याकःम्ह्याय्यात याकःचा अमेरिका छवय्मखु धकाः माने मजू। तर मुनां मांबौया नुगः तयूकथं थःनापं पासा नं वनीगु दु धकाः कन। छन्हुं वं नापं वनीमह पासा विकासयात मांबौलिसे नाप लाके हल। न्हापां ला मांअबुयात गथेगथे च्चना माने मजू। तर लिपा याकःचा छवयेगु सिबें पासा दुगु हे बांलाःगु तायूकाः माबौ नं अनुमति बिल। व पासानापं तुं नेपाः देय् त्वःताः अमेरिका वन।

अन इपिं निम्ह इहिपाः यानागु कोटाय् वंगुलि छगु हे क्वथाय् च्चनेमाल। मतलव लिभिन्न टोगेडर। छन्हु निन्हु ला इपिं थःथःगु नुगःचिनाः पासाकथं हे व्यवहार यानाः बांलाक हे च्चन। ई विनावलिसे अमेरिकाया संस्कृतिनाप भेले पुन। छम्ह मेम्ह नाप सतिना वन। छन्हु गथे गथे जुया निम्ह मचायक हे छम्ह जुया दुवित। न्हापां ला मुनां नुगः हे ची मफयूक ख्वया जुल। लिपा इमित थ्व खँ सामान्य जुयाविल। छन्हु धाधां निन्हु धाधां इपिं छम्ह जुया दुबिङ्गु याना तुं च्चन। छगु सामान्य कथं थुकियात नाला कया जुयाच्चन।

छन्हु मुना अफिसं लिवाक लिहाँ वः बलय् अन याःमह छम्ह

मिजनं छैतक वयूत ग्वाहालि यात। वया खँ न्यना मुनां व मिजंयात थल म्हागसया राजकुमारया रुपय् कल्पना यात। विकास नाप म्हागःम्हागः थें च्चनेगु मयात। वयालिसे तातापाना वनेत स्वल। मुना अनुयाम्ह व मिजलिसे सतितुं वन। वयात विकाससिबें व मिजपाखें भविष्य बांलाङ्गु तायेकल। अले मुनां विकासयात नतुइत तकं थाकुका हल। विकास न्हापा लिपा थें मुनायात थ नापं सतिकेत कुतः यात तर मुनां वयात भाः मविउ।

छन्हु विकासयात छु जुल मस्यू वं थः नुगःयात ची मफुत। मचायूक हे मुनायात जवरजस्ति यानाः निम्ह छम्ह जुयाः दुबीत स्वल। मुना चिल्लाय् दनाः हाल। म्हागःम्हागः जूसा म्हा छम्ह थःत समर्पित याइमह मुनां थौं वयात सकसिगु न्ह्यःने मभिंमह यायूत चिल्लाय्मिल्लाय् दनाः कोठां पिने पिहाँ वन। 'ग्वाहालि ग्वाहालि' धका वयागु सः थ्वयूकल जःखः दुपिं मनूत छथु अन मुं वल। वयात केरकारयात मुनायात जवरजस्ति याःगुलिं पुलिस सःताः विकासयात ज्वंका छवत।

विकासं तःक्वः मछि निम्हसिगु मनमार्नि गुलि छम्ह नाप मेम्ह दुविनागु खँ प्रमाणित यायूत स्वत। तर मिसापिन्त हलिमय् बियातःगु अधिकारया दुरुपयोग यानाः मुनां विकासयात दोषि क्यना अपराधी सावित यात।

नेपाः देसं छगू भविष्य बांलाकेगु म्हागस ज्वनाः अमेरिका वंमह विकास जेलय् लात। वं छु यायूगु धकाः तक बिचाः यायूमफुत। थ्व खँ नेपाः देय् या विकासया छै नं थ्यन मांबौ सिमां कुतुं वःपिं थें जुल। इपिं मुनाया छैय् वयाः ग्वाहालि पवं वल। थ म्हाय् यागु चरित्रय् घाःलाकः वःपिं धकाः विकासया मांबौयात लाक्व पाक्व म्हुतु

वाना छवत। विकासया मां अबु अन वनाः छुं यायूफुपिं मखु। उकिं थन च्चना ख्वयूगु सिबे छुं यायूमफुत। मुनाः व विकासया सामाजिक संजालय् थ्व खँ वय्वय् जुल। पासापिसं नं मुनाया चरित्र मथुया विकासयात हे दोषि तायूका सामाजिक संजाल मार्फत विकासयात तकव मछिं ब्व बियातल। मुनायात सकस्या छम्ह हिम्मत दुम्ह मिसा धकाः सुभाय् वियातल।



मुना विकासयात जालय् लाका मेम्ह मिजं नापं थःगु न्हूगु जीवन न्ह्याकेत खुसि न्ह्याःवं थें न्ह्याः वना तुं च्चन। विकासया जिन्दगी अन लाः थन लाः मदयूक चातुवाना विल।

मिस्तयूत अधिकार माल धका मिस्तयूसं संघर्ष यानाः काःगु थ्व अधिकार गुलिखें मिस्तयूसं अःखतं कयाच्चन। छम्ह मिजंयात इवाकले थुनेत अधिकारयात छयला च्चन। खय् तला विकासया नं दोष म्दुगु मखु। वं थःत ची मफुत। उकिं थौं व अन्धकार जीवन हनेत बाध्य जुल।

छम्ह मिसां छै व मिजंयात भिके फुसा वं मिजं व छैयात नलि नलि जुइक चफुइ नं फु। मुनायागु थ्व अपराध छन्हु पासापिन्स सिइकल। वयात फुक्क पासापिं जानाः सम्भे यायूगु कुतः नं यात। तर मुना इकिधकि हे मसं।

गुकिया परिणाम विकासं जेलय् दुने हे आत्महत्या यात। छप्व ह्वयेत्यंगु स्वां ह्वय् मलाकं हे इवाः जुल।

न्याफ्वः मुक्तक स्वां



राजा बज्राचार्य

(छफ्वः)

मां नं जिमित छु यानातःगु दु धकाः गबलें धायेमते मां नं थःत ब्वलंकेत दुख स्यूगु खँ हलुकां कायेमते मां नं ब्वः ब्यूगु, दाःगु मभिंगु लैपुइ लाइ धकाः खः मां ज्याथि जुल धायेवं बिचाः यायेत थाकु चायेमते।

(निफ्वः)

भीगु थी थी संस्कार फुक्क नुगःयात चीत हे खः त्याग चित्तयात मदयेकं मगाःगु दान बीत हे खः तर मनूतयूके छुं ज्याय् नं श्रद्धा मदया वनाच्चन उदेश्य ला अन्तिम अवस्थाय् याउँक सीत हे खः।

(स्वफ्वः)

छन्त जिं दुनें निसें ययेका च्चनागु दु मतिनाया खँग्वलं कयेका च्चनागु दु अथेनं जि प्रति नुगः क्वमसाः नि छं आसै आसं मं तये फयेका च्चनागु दु।

(प्यफ्वः)

न्हि बित चा वल जीवन अथें फुनाच्चन छुं याये मफु धयार्थे नुगः अथें पुनाच्चन छु याये छु याये, छु याये छु याये धा धां जीवनय् छुं यायेगु बिचाः अथें दुनाच्चन।

(न्याफ्वः)

भी राजनीति नं यायेमसः बिरोध नं खालि सः हे याना च्चन मजू बोध नं नेवाःत धाक्व थःगु हे संसारय् मस्त गालय् छाय् लानाच्चन मजू शोध नं।

जिगु नुगःचु



हिसिलिना शाक्य

जि म्ये छ संगीत ,
मदु मू छंगु तिबः बिना !
जिगु सः गथे थ्वइ?
छंगु कम्पन मदुसा !

जि फुति लः
छ समुद्र !

मुने गथे
छं थाय् मब्यूसा !
जि तिमिला
छ सर्गः,
थीगु गनं जि
छंगु ख्यः मदुसा !

जिगु छम्हूचागु नुगलय्,
कुने मं दु छंतः !
तर,
गथे न्ह्यंके छंतः?
जिं मसिल !

अथे जुयाः,
पाचिना यंके प्रिय जिं छंतः तीजक
जिगु हिनूया लैं जुयाः
जिगु नुगः तक,
धुकधुक मिंकेत !

मतिना

(चीमफुगु नुगः)

हाकनं मोबाइल यात। स्वापू तयेमफुत धयाहल । हाकनं यात। स्वीच अफ् धयाहल। तंया मिं ह्वानाकक च्याः थें जुल न्ह्यपुइ। मिखां छुं मखन। हाकनं भिडियो फोन यात। हाकनं बिजि धयाहल ।

(पहः)

छध्वः मुस्काः म्हुतुसी चकना वल। तर सः छाकाः ततःसलं हाल - 'छु ताल खः छंगु। गुलि फोन यायेधुन। सु नाप खँ ल्हानाच्चनागु छु जक खँ ल्हानाच्चनागु, सु मिसा व ? का वयागु नां धा सा !'



(याउँगु नुगः)

अनलाइन नं खने मन्त। हसनाया लिसः नं गन थ्यन थ्यन। व छटपटय् जुल।

फोन यायेत मोबाइल चायेकेवं घण्टी न्यात। वयागु हे फोन वःगु जुयाच्चन उफ् ! छभाः ताःहाकः सासः ल्हात। वया नुगः याउँसे च्चन।

.....

उखें छु धयाहल मस्यू !

(मतिना)

थुखे, वं बुलुहुँ नाइसे घ्यः इलाःतःथें च्वंक लिसः बिल -'जिं शंका यानागु मखु यः प्राण, तं चाया दीमते ले। थ्व ला जिगु मतिना खः नि।



सुधीर स्वबि

(शंका)

मोबाइलय् बिजि टोननापं हसना लिथ्वया वल। फोन ल्हवनिमह मेम्ह लिसे खँल्हाना च्चन धकाः। वं हाकनं फोन यात। व हे हसना हाकनं लिथ्वया वल। व दिक्क चाल। गपाय् हाकः खँ ल्हानाच्चंगु खः थ्व। सुनापं खँ ल्हानाच्चंगु खः ! छु जक खँ ल्हानाच्चंगु खः ! नुगलय् शंकाया की वालावाला सनाःहल।

(कथहँ)

फोन लिमलाःसेलिं मेसेन्जर चायेकल। अनलाइन खने दु। हसना यात। तर स्वःगु चिं मक्यं। भिडियो फोन यात... बिजि इन अनाडर कल क्यनाहल।

नेवा: देय् दबू महानगर समितिया अध्यक्ष अर्विन्द्रमान



लहना वा:पौ / नेवा: देय् दबू यैँ महानगर समितिया निक्वःगु तःमुँज्यां न्हूगु ज्यासना पुचः ल्यःगु दु । छत्रपातिइ च्वंगु छत्रपाति पार्टी पालेसय् वंगु शनिवाः जूगु निक्वःगु तःमुँज्यां देय् दबू यैँ महानगर समितिया न्हूगु ज्यासना पुचः नं ल्यःगु खः ।

यैँ महानगर समितिया नायः शोभा महर्जन वज्राचार्यया सभापतित्वय् जूगु ज्याइवःया उलेज्या देय् दबूया केन्द्रीय नायः पवित्र वज्राचार्य त्वाःदेवाय् मत च्याकाः यानादीगु खः । ज्याइवल्य् विशिष्ट पाहाकथं भायादीपिं देय् दबूया संरक्षक नरेशकुमार ताम्राकार, यैँ महानगरपालिकाया उपप्रमुख सुनिता डंगोलं विशेष पाहां देय् दबूया न्वकु रश्मिला प्रजापति, मूख् याज्जे सत्यनारायण डंगोल, पाहापिं

स्वनिगः विशेष प्रदेशया नायः श्रीकृष्ण महर्जन, यैँ जिल्ला नायः धनबहादुर तिमिलापिंसं भिंतुना बियादीगु खः ।

यैँ महानगर समितिया न्वकु उदेन न्हूसाय्मिं लसकुस यानादीगु ज्याइवल्य् मूपाहां, विशिष्ट पाहां, विशेष पाहां, पाहां, कलाकार, महानगर समितियात थीथी इलय् थीथी कथं ग्वाहालि यानादीपिं दातापिंत मतिनाया चिं नं लःल्हाःगु खः । थ्व स्वयां न्ह्यः पार्टी पालेसपाखें सांस्कृतिक बाजंसहित छगू न्याली नं पिथंगु खः ।

वयां लिपा बन्द सत्रय् महानगर समितिया छ्याज्जे अर्विन्द्रमान सिंहं स्वदँया कार्यकालय् जूगु प्रगति विवरण व दांभरिं रोशन सिंहं महर्जन न्ह्यब्वयादीगु खःसा निगुलिं प्रतिवेदन सर्वसम्मतिं पारित याःगु खः । वयां

लिपा स्वनिगः विशेष प्रदेशया नायः श्रीकृष्ण महर्जन, यैँ जिल्ला नायः धनबहादुर तिमिला व छ्याज्जे सुनिता महर्जन दुथ्याःगु निर्वाचन मण्डलं न्हूगु ज्यासना पुचः ल्यःगु खः ।

न्हू ज्यासना पुचःया नायः पदय् अर्विन्द्रमान सिंहया नेतृत्वय् नीन्याम्हेसिया न्हूगु ज्यासना पुचः ल्यःगु खः । न्हूगु ज्यासना पुचलय् उदेन न्हूसाय्मिं वरिष्ठ न्वकु, शैलेश डंगोल न्वकु, सुलोचना मानन्धर श्रेष्ठ (मिसा न्वकु), मन्जिल महर्जन छ्याज्जे, निरु महर्जन 'भिंतुना' मिसा छ्याज्जे व रोशन सिंहं महर्जनयात दांभरिं ल्यःगु दु ।

थुकथं हे ज्यासना पुचःया दुजलय् पश्चिम लागपाखें मनराजा रजित, रविन्द्र मानन्धर व लक्ष्मी श्रेष्ठ राना, क्वःने लागपाखें राजन महर्जन, लक्ष्मीकमल ताम्राकार व विकास महर्जन, उत्तर लागपाखें प्रकाश बलामी व हिरालक्ष्मी श्रेष्ठ, थःने लागपाखें राधिका तण्डुकार, संगीता अमात्य व सजिवरत्न वज्राचार्य, पूर्व लागपाखें ललिता प्रधान, जगदिशमान श्रेष्ठ व चन्द्रकिरण राजभण्डारी, दथु लागपाखें खगेन्द्रबहादुर जोशी, नरेश खड्गी व रमेश खड्गी व खलः पुचःपाखें प्रशान्द खड्गी (सगं पुचः) यात ल्यःगु दु ।

धिमे धेंधेंबल्लाःय् ताथलि न्हाप लात

लहना वा:पौ/ चाँगुनारायण नगरपालिकाया ग्वसालय् 'नगरकोट महोत्सव- २०८२'यात लक्षित यानाः ग्वसाः ग्वःगु न्हापांगु बागमती प्रदेशस्तरीय धिमे बाजं धेंधेंबल्लाः कासाय् ताथलि धिमे खलः न्हाप लाःगु दु । न्हाप लाःगु ताथलि धिमे खलकं न्यय्द्रः तका दालिसें शिल्ड, दसिपौ, धिमे छाः, भुस्या निज्वः व छुस्याः सिरपाः काःगु दु ।

वंगु शनिवाः जूगु कासाय् ताथलिया हे तैकाभू गणेश सांस्कृतिक पुचः लिउ, नियो भिजन बाजं खलः (ख्वप नगरपालिका) लियालिउ व देउराली बासुरि बाजं खलः (बनेपा, काभ्रे) हःपाः सिरपाः त्याकेत ताःलाःगु

दु । कासाय् लिउयात नीन्याद्वः तका दां, शिल्ड, दसिपौ, धिमे, भुस्याः व छुस्याः सिरपाः लःल्हाःगु खःसा लियालिउयात भिद्वः तका दालिसें शिल्ड, धिमे, व भुस्याः सिरपाः लःल्हाःगु खः ।

अथे हे हःपाः सिरपाः त्याकेत ताःलाःगु पुचलं न्याद्वः तका लिसें शिल्ड, दसिपौ व धिमे सिरपाः प्राप्त याःगु दु । कासाय् वांख्यः दाफा भजन खलः (भ्वैत) न्यागूगु, लाय्कू धिमे खलः (पन्ति) खुगूगु, शिवा साय् मि खलः (मध्यपुर थिमि) न्हय्गूगु, तलेजु बाजं खलः (लुँभु, यल) च्यागूगु, बालकुमारी धिमे खलः

(यैँ) गुंगूगु व सौडोल सांस्कृतिक बाजं खलः (ताथलि) भिगूगु थासय् लाःगु खः ।

ज्याइवःया सभापतिलिसें नगर प्रमुख जीवन खत्री नगरपालिकाया ग्वसालय् न्हापां-खुसी जूगु धिमे धेंधेंबल्लाः कासा ऐतिहासिक जूगु नापं सभ्य व भव्य रुपं ज्याइवः सफल जूगु खँ कनादिल । कासाय् बागमती प्रदेश दुनेया स्वनिगःया स्वंगू जिल्ला यैँ, यल, ख्वपलिसें सिन्धुपाल्चोक, काभ्रेपलाञ्चोक, रामेछाप लगायतया जिल्लाया थीथी पालिकाया ५५ गू धिमे बाजं खलः व सांस्कृतिक पुचलं ब्वति काःगु खः ।

चिबाखंया सैद्धान्तिक पक्षया बारे सहलह



लहना वा:पौ/ने. सं. ११४५ प्वहेलाथ्व पञ्चमि कुन्हु कवि नवीन चित्रकारया छैय् चिबाखंया सैद्धान्तिक पक्षबारे मिसा साहित्यकार मुनाया दुजःपिनि दथुइ सहलह मुँज्या जुल । कवि चित्रकार चिबाखंया ईतिहास, चिबाखनय् दयेमाःगु तत्व व चिबाखंया ताजि बारे दुय्यक कनादिल ।

मिसा साहित्यकार मुनाया न्वकु दिब्या ताम्राकार कवि चित्रकारयात खादा क्वखाय्काः न्ह्याःगु ज्याइवल्य् नायः बिमलप्रभा बज्राचार्य मिसा साहित्यकार मुनापाखें कवि चित्रकारयात मतिनाया चिं लःल्हानादिल ।

ज्याइवलय मिसा साहित्यकार मुनाया दुजःपिंसं चिबाखं बारे न्यनादिगु न्ह्यसःया लिसः चित्रकार बियादीगु खः । ज्याइवल्य् सहलह ब्याकादिसें चित्रकारं मिसा साहित्यकार मुनाया दुजःपिन्त लिपा लिपानं चिबाखं च्वयेगुलि माःकथं ग्वाहालि याय्गु बचं बियादिल ।

ज्याइवल्य् मिसा साहित्यकार मुनाया दुजःपिं बिमलप्रभा बज्राचार्य, अन्जना ताम्राकार, दिब्या ताम्राकार, बिमला मानन्धर, दिब्या बज्राचार्य, भवानि तुलाधर, रेनु श्रेष्ठ, मिलन शाक्य, राजेश्वरी राजोपाध्याय, मिमला शर्मा, मिनर्वा शर्मा राजोपाध्याय, पूणिमा शाक्यपिन्सं ब्वति काःगु खः ।

यैँ मनपाया...

विशेष यानाः यैँ महानगरपालिका २८ वडाय् दयेकाच्चंगु १२ तल्लाया भ्यु टावरयात कयाः मेयर साहं प्रमुख प्रशासकीय अधिकृत गुरागाईयात निलम्बन याःगु खः । उगु भ्यु टावर न्हापां १२ तल्लाया जक दयेकेगु सम्भौता जूगु खः । वयां लिपा १९ तल्ला दयेकेगु कथं मेयर साहं हे स्वीकृत बियातःगु खः । थःगु गलत ज्याया त्वःपुइत जक मेयर साहं गुरागाईयात कारबाही याःगु धकाः हुइना भुइना जुयाच्चंगु इलय् कार्यवाहक प्रशासकीय अधिकृत नं राजीनामा बीवं थीथी कथंया आशंका ब्वलंका बिउगु दु ।

स्वनिगःया....

स्वनिगःया वातावरण बांमलाक प्रभावित जूगु जक मखु स्याना वनाच्चंगु खः धयादिल ।

लाक्वपाक्व ढंगं जग्गा प्लानिङ याःगुलिं वा वइगु इलय् खुसिइ लः स्वयां अप्वः चा व चाति बाः वयाच्चंगु धासें प्राधिकरण अव्यवस्थित रुपं जुयाच्चंगु सहरीकरण नियन्त्रण

यायेगु पाखे ध्यान बीमाःगु सुभाब नं वय्कलं बियादिल ।

दाङ जिल्ला नेपाःया हे दकलय् अप्वः सरकारी जग्गा दुगु जिल्ला जूगु धासें यदि देय्या सन्तुलित रुपं विकास यायेगु खःसा संघीय राजधानी पश्चिम नेपाःया दाङय् ल्ह्ययेगु उचित जुइगु नं बिचाः नं वय्कलं प्वंकादीगु दु ।

सरकारय् वनीपिं राजनीतिक दलतय्सं सछिदँ लिपाया नेपाः गज्याःगु दयेकेगु धइगु सोच वा दृष्टिकोटा दयेके मफुगुलिं देय् न्ह्यःने न्ह्याः वनेगु पलेसा भन् भन् लिउने लानाच्चंगु वय्कलं द्वपं नं वय्कलं बियादीगु दु ।

ज्याइवल्य् यल महानगरपालिकाया प्रमुख चिरिबाबु महर्जन स्वनिगःया निर्मित तःक्वः हे गुर्योजना दयेकेगु ज्या जुइधुकू तर उकिया कार्यान्वयन धाःसा प्रभावकारी रुपं जुइ मफुगु खँ न्ह्यथनादिल । गुर्योजना निर्माण दयेकेबलय् हे स्थानीय तहया जनप्रतिनिधियात नं ब्वति कायेमाःगु बिचाः नं वय्कलं प्वंकादिल ।

बिचाः हायेका



बुदि

सन् १९४०/०४/०९



मदुम्ह मय्जु शोभा नापित

हलिं नेवाः दबू (डब्लूएनओ) जर्मनी कचाया नायः, युरोप कोअर्डिनेटर लिसें केन्द्रीय दुजः भाजु कुमार नापितया

मां मय्जु शोभा नापित

८५ दँया बैसय् मदुगु र्वँ न्यनाः जिपिं तसकं मर्माहत् जुया ।

मदुम्ह आत्माया चीर शान्तिया कामना यासें

सुखावति भुवनस बास लायेमा धकाः

बिचाः हायेकाच्चना ।

हलिं नेवाः दबू नेपाः देय् मूकवः

World Newah Organization Nepal Chapter



हरेक मंगलवार
राष्ट्रियताको लागि समर्पित



मेरो साप्ताहिक

मेरा साप्ताहिक

Mero Saptahik

मालाः मालाः ब्वनादिस् ।

यैँ मनपा २७ वडाय् थीथी व्यक्तित्वपिं सम्मानित



लहना वाःपौ/यैँ महानगरपालिकाया २७ वडां थीथी क्षेत्रय् योगदान यानाच्चपिं नीन्याम्हेसित वंगु शनिवाः छगु ज्याइवःया दथुइ हंगु दु ।

२७ वडाया अध्यक्ष योगेशकुमार खड्गीया सभापतित्वय् जूगु ज्याइवल्य् साहित्यिक, भाषिक, सांस्कृतिक, चिकित्सक, राष्ट्र सेवक कर्मचारी, व्यापारी, राजनीतिक, शैक्षिक क्षेत्रय् योगदान बिउपिं लिसे कलाकार व कासा ख्यल्य् योगदान यानाः वडाया गौरव थकागुलिं हंगु खः ।

ज्याइवल्य् मूपाहाँ बागमती प्रदेशया मुख्यमन्त्री बहादुर सिंह लामां सहसचिव अमिरमान राजभण्डारी,

उद्योगपति निर्मल श्रेष्ठ, ज्ञानेन्द्र तुलाधर, मिसा उद्यमी दिव्यतारा ताम्राकार, पुलाम्ह रक्षामन्त्री भिमसेनदास प्रधान, पुलापिं वडा अध्यक्षपिं विजयनारायण मानन्धर, चिनियाँमान वज्राचार्य, हवाई विभागया महानिर्देशक त्रिरत्न मानन्धर, इन्जिनियर नूरकुमार ताम्राकार, नेपाल विद्युत प्राधिकरणया प्रबन्धक सूर्यरत्न ताम्राकारपिं हंगु खः ।

उक्तथं हे मुख्यमन्त्री लामां नेपालभाषाया साहित्यकारपिं रत्नतारा ताम्राकार, लोचनतारा तुलाधर, दिव्या ताम्राकार, मांभासं शिक्षा अभियान न्ह्याकाच्चनादीमह दिपक तुलाधर, गायक भिम तुलाधर, हाडजोर्नी

विशेषज्ञ रविन्द्रलाल प्रधान, इन्जिनियर किरण डंगोल, प्राध्यापकलिसे दन्त चिकित्सक डा. शैली प्रधान व चर्म रोग विशेषज्ञ डा. विनय वैद्यपिं नं हनापौ देखायादीगु खः ।

उक्तथं हे फुटबल कासामि चंगेजलाल श्रेष्ठ, बास्केटबल कासामि विपेन्द्र महर्जन, नेपाल एयरलायन्सया पाइलट अमृत महर्जन, त्रिभुवन विश्वविद्यालयपाखे वातावरण विज्ञान विषयसं उत्कृष्ट जुयाः ‘मदन विद्या वातावरण विज्ञान पुरस्कार’ कयादीमह रितिका भण्डारी व एमबीएसय् दकल्य् अप्वः ल्याः हयाः ‘गुञ्जमान सिंह स्वर्णपदक व रामकृष्ण न्हुच्छे पुरस्कार’ कयादीमह रेविका भण्डारीयात नं हंगु खः । भण्डारीपिं तता केहें खः ।

ज्याइवल्य् यैँ महानगरपालिकाया १७ या वडा अध्यक्ष लिसे प्रवक्ता नविन मानन्धर पाहां कथं भायादीगु खः सा हना ज्याइवः वडाया मिसा दुजः सृष्टि कंसाकार तुलाधरया संयोजकत्वय् जूगु खः ।

अन्तरसमूहगतता विषयक अन्तर्क्रिया



लहना वाःपौ/शान्ति न्याय व लोकतन्त्रया लागि समावेशी महिला सञ्जाल (संकल्प)या ग्वसाल्य् लैङ्गिक दृष्टिकोणं अन्तरसमूहगतता विषयया अन्तरक्रिया ज्याइवः वंगु शुक्रवाः एपेक्स होटल्य् जुल ।

वरिष्ठ अधिवक्ता गिता पाठक प्रमुख वक्ता जुयाः न्ह्यागु ज्याइवल्य् वय्कलं थिथि दृष्टिकोणं मिसापिन्त अधिकारं वञ्चित याइगु व उन्मुक्ति जुइगु लैपुयात कयाः थःगु धारणा तयादिल ।

ज्याइवल्य् संकल्पया अध्यक्ष

संगिता गुरुङ “ज्या याय्बल्य् मिसा मिजं धाइमखु अले अधिकारया खँय् जक मिसायात न्ह्याबलें अवसर मविइगु निरन्तर जुयाच्चनि अले मिसापिन्स नं निरन्तर सः ल्हवनेगु आवश्यक जू” धयादिल ।

ज्याइवल्य् थिथि मिडियां वःपिं मिसा पत्रकारपिन्स थःथःगु पिडाया नापं पत्रकारिता माध्यमं मिसापिन्त गथेयानाः ग्वाहालि याय्फै धैगु खँ तयादिल । अन्त्य डब्लुडब्लुजेया अध्यक्ष रामकला खड्का प्रमुख वक्ता लिसें सहभागिपिन्त सुभाय् वियादिल ।

फोहरमैलाको उचित व्यवस्थापन गरौं

- सडक र सार्वजनिक स्थानमा फोहोर नफालौं,
- घर, अस्पताल, होटल, उद्योग तथा कार्यस्थलबाट निस्किएको फोहोरको उचित व्यवस्थापन गरौं,
- कुहिने र नकुहिने फोहोरलाई छुट्टाछुट्टै राखौं,
- कुहिने फोहोरलाई घरमा नै मल बनाई प्रयोग गरौं,
- पुनः प्रयोग हुन सक्ने वस्तु (जस्तै प्लाष्टिकका डिब्बा, भोला आदि) पुनः प्रयोग गरौं,
- फोहोरलाई तोकिएको स्थान र समयमा मात्र विसर्जन गरौं,
- प्लाष्टिक वा अन्य वस्तु प्रयोग वा उपयोग गरिसकेपछि प्लाष्टिक लगायतका बट्टा वा खोल जथाभावी नफालौं,
- फोहोरमैलाको व्यवस्थापनमा सबै जुटौं,

शहर तथा गाउँ स्वच्छ र सफा राखौं ।



नेपाल सरकार

विज्ञापन बोर्ड

एलायन्स बचतया भिन्हय्क्वःगु साधारणसभा

लहना वाःपौ/ एलायन्स बचत तथा ऋण सहकारी संस्था लिमिटेडया भिन्हय्क्वःगु साधारणसभा क्वचाःगु दु । वंगु पुस १३ गते संस्थाया अध्यक्ष चन्द्रमान नाय्जुया अध्यक्षताय् जूगु खः ।

संस्थाया उपाध्यक्ष भुवनप्रसाद साखं लसकुस यानाः न्ह्याःगु साधारणसभाय् मूपाहाँ महर्षि ल कलेजया अध्यक्ष लिसे अनुसन्धाता प्रा. डा. ज्ञानेन्द्र पौडेल, पाहापिं ज्येष्ठ नागरिक समाजया केन्द्रीय अध्यक्ष मोहन बहादुर केसी, डा. जगतप्रसाद पराजुली, कानुनी सल्लाहकार वरिष्ठ अधिवक्ता डा. नृसिंहकुमार खत्रीपिं भायादीगु खः ।

संस्थाया कोषाध्यक्ष चञ्चला साखः कर्माचार्य आर्थिक दँ



२०८०/८१ या आय व्यव विवरण न्ह्यब्वःगु खः सा लेखा सुपरीवेक्षकया संयोजक अनिलकुमार वज्राचार्य न्ह्यब्वयादीगु खः । अध्यक्षया प्रतिवेदन वय्कः अस्वस्त जूगुलिं संस्थाया निवर्तमान अध्यक्ष लिसे सञ्चालक समितिया दुजः रुद्रप्रसाद देवभण्डारी न्ह्यब्वयादीगु खः ।

ज्याइवल्य् संस्था ज्येष्ठ दुजः

सितला देवी श्रेष्ठयात ज्येष्ठ नागरिक सम्मान याःगु खः सा बांलाःपिं बचतकर्ता पाखे विमलादेवी श्रेष्ठ देवभण्डारी व बांलाम्ह त्यासामि कथं प्रेममिरा श्रेष्ठ देवभण्डारीयात कदर पत्र सहित सम्मान याःगु खः । उक्तथं हे संस्थाया सल्लाहकारय् राधेसुन्दर अणु, दुर्गेशमान भुजु व मोहनमाया देवभण्डारीयात मनोनयन याःगु दु ।

छत्रपाटी निःशुल्क चिकित्सालय (अस्पताल)

‘स्त्रीय शुलभ स्वास्थ्य सेवा सकसिया निति, असहायता निति जक निःशुल्क’

उपलब्ध सेवा

- २४सै घण्टा सेवा
- ईमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

शल्यक्रिया

- मोनिटिङ
- ज्वरन चररी
- नाक बाल छँटी सम्बन्धि
- हाडलेनी तथा नसा सम्बन्धि
- शिशु चिकित्सा मिनाइ नसोको पम्पर सम्बन्धि

बहिरंग सेवा

- मुटु रोग
- पेट रोग
- युरोलोजी
- स्त्री रोग
- बाल रोग
- क्यान्सर रोग
- दन्त रोग
- अक्षि रोग
- ज्वरन मेडिसिन
- धनं तथा यौव रोग
- नाक बाल छँटी रोग
- ज्वरन हेन्स बेक जन
- वाइरोइड
- मधुमेह

मेमेमु सेवा

- ड्रेसिङ
- इण्डोस्कोपी
- कोलोन्स्कोपी
- फिजियोथेरापी
- भ्रूजालाउषु, कनर टुप्पर र इको
- बुरोपेनी स्तरको दन्त प्रयोगशाला
- टिएम.टि. हल्टर

२४ घण्टा ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९